

Skjemainformasjon

Skjema	Privatarkiv 2012 (nynorsk)
Referanse	513672
Innsendt	14.03.2012 15:02:54

Opplysningar om søkjar

Namn på organisasjonen
 Leiar for institusjonen Sigve Gramstad
 Namn på organisasjonen Statsarkivet i Stavanger
 Organisasjonsnummer 961181399
 Postadresse Bergelandsgt 30
 Postnr./Poststad 4012 STAVANGER
 Telefon 51501260
 Webadresse <http://www.arkivverket.no>

Opplysningar om prosjektet sin kontaktperson
 Førenamn /Etternamn Sigve Gramstad
 Telefon 51501260
 E-postadresse sigve.gramstad@arkivverket.no

Opplysningar om prosjektet

Prosjekt	
Søknaden gjeld	Privatarkiv 2012
Tittel på prosjektet	Kvekararkivet

Samandrag av prosjektet

Det norske kvekarsamfunnet var det første organiserte trussamfunnet utanfor den norske kyrkja. Kvekararkivet inneheld bl.a. viktig kjeldemateriale om konfliktforhold mellom staten og annleis tenkjande på 1800-talet, om den første organiserte utvandringa til Amerika om utvikling av undervisning og om pionerarbeid innanfor nasjonalt og internasjonalt humanitært arbeid. Kvekararkivet er delvis uordna, delvis ordna etter utdaterte ordningsprinsipp. Dette gjer materialet i praksis lite tilgjengeleg.

Prosjektomtale

Kvekararkivet representerer den største og mest omfattande dokumentasjonen av Kvekarsamfunnet i Noreg frå 1814 til i dag. Arkivet utgjer 15 hyllemeter og er sett saman av fleire mindre delarkiv. Det gjeld arkivet til trussamfunnet, både det indre livet og den langvarige konflikten med sentrale styresmakter på 1800-talet. Denne konflikten var også ein grunn til at Kvekarane organiserte utvandring til Amerika, og arkivet inneheld historisk kjeldemateriale omkring den første organiserte utvandringa med sluppen "Restauration" frå Stavanger i 1825. Arkivet inneheld vidare fleire personarkiv, bl.a. for Asbjørn Kloster, som skipa Det Norske Totalavholdsselskab i 1869. Det inneheld også rapportar, brev og dagbøker frå misjonærar frå amerikanske og engelske søstersamfunn som reiste i Noreg på 1800-talet, eit materiale som utgjer eit verdifullt supplement til det generelle norske topografiske materialet frå 1800-talet.

Samla sett representerer Kvekararkivet ein interessant dokumentasjon som kastar lys over den generelle samfunnsutviklinga i Noreg på 1800-talet. Det gjeld bl.a. den kulturelle og religiøse påverknaden frå utanlandske organisasjonar tidleg på 1800-talet, emigrasjonen til Amerika, forholdet mellom lågkyrkjelege organisasjonar og den norske staten både før og etter konventikkelplakaten i 1842 og dissentarlova frå 1845, forholdet mellom eit pasifistisk trussamfunn og det norske forsvaret og framveksten av det frivillige organisasjonssamfunnet på 1800-talet.

Dei første kvekarane var nordmenn som sat i engelsk krigsfangenskap under Napoleonskrigane og som kom frå England på tidleg 1800-tal. Dei etablerte eit trussamfunn og ein organisasjon som var utanfor og som på fleire måtar var i opposisjon til den norske kyrkja og til det norske "establishment". Mykje av det berande tankegodset hos kvekarane som på den tid var kontroversielt, er i dag ein del av dei ideala og det tankegodset som det store fleirtalet av nordmenn sluttar seg til. Kvekararkivet gir såleis interessante perspektiv på vår tids kulturelle og religiøse brytingar.

Kvekararkivet er i dag lite tilgjengeleg. Statsarkivet ønskjer å få ordna arkivet etter dagens

ordningsprinsipp slik at dei enkelte delane i arkivet kan identifiserast og katalogiserast. Vi ønskjer å digitalisera delar av materialet, først og fremst det som har nasjonal interesse, som materiale knytta til utvandringa til Amerika med "Restauration", materiale knytta til skipinga av Det Norske Totalavholdsselskab, materiale knytta til pasifismen og det norske forsvaret og materiale som kastar lys over framveksten av dei frivillige organisasjonane som delar av det sivile samfunnet. Vi trur også at observasjonane som dei amerikanske og engelske misjonærane hadde av det norske samfunnet på midten av 1800-talet kan ha stor interesse. Det digitaliserte materialet vil kunna brukast av kven som helst, men vi tar også sikte på å laga ei stor nettutstilling og artiklar, og å bidra til presseoppslag med grunnlag i materialet.

Arbeid med prosjektet inneber ordning (rekna til 30 dagsverk), arkivbeskriving/astareregistrering (rekna til 20 dagsverk), skanning og indeksering (rekna til 15 dagsverk), utarbeiding av nettutstilling og artiklar (rekna til 25 dagsverk) og prosjektstyring (rekna til 8 dagsverk). Lønnskostnader inkludert overhead blir etter dette (kr 2.860 x 98) kr 280.280. Vi reknar med utgifter til materiell (135 arkivboksar og 405 legg) på kr 5.130. Samla utgiftsside for prosjektet er såleis kr 285.410.

Framdriftsplan

Framdriftsplan

Framdriftsplan for heile prosjektperioden :

Start- / Sluttdato 01.10.2012 01.04.2013

Aktivitetplaner

Tittel	Frå- / Til-dato	Til dato
--------	-----------------	----------

Andre opplysningar/kommentarar om framdrifts-/aktivitetsplan

Ordning- og registreringsarbeidet må skje først, deretter utarbeiding av produksjonslogg før skanning og indeksering. Vi reknar med at denne delen av prosjektet bør kunna gjennomførast innanfor ei tidsramme på fire månader. Utarbeiding av nettutstilling og artikkelskriving bør kunna gjennomførast innanfor ei tidsramme på to månader, men dette arbeidet kan venteleg ikkje setjast i gang før den første fasen er ferdig. Prosjektet bør såleis kunna gjennomførast i løpet av seks arbeidsmånader. Statsarkivet ønskjer å byrja arbeidet i haust. Det må engasjerast ein person til ordning- og registreringsarbeidet og ein annan til produksjon av nettutstilling. Fagpersonar i statsarkivet kan ta seg av prosjektstyring, skanning/indeksering. Når det gjeld skriving av artiklar vil vi engasjera personar til dette, anten blant vårt eige personale eller andre. Blant kvekarane finst god forskingskompetanse, og det er interesse frå dei i å bruka materialet. Med oppstart 1. oktober 2012, og med frådrag av juleferie og tillegg for litt luft mellom dei ulike fasane i prosjektet, reknar vi med å ha gjennomført prosjektet innan april 2013, altså før påske. Kvekarsamfunnet planlegg jubileumsmarkering (200 år) i perioden 2014-2018. Eit tilgjengeleg kvekararkiv vil vera eit viktig kjeldegrunnlag også i den samanheng

Samarbeidspartnarar

Samarbeidspartnarar

Samarbeidspartner 1

Namn	Venneses Samfunn
Er det inngått ein formell samarbeidsavtale	Nei
Postadresse	Venneses Samfunn v/Hans Eirik Aarek Dronning Ragnas gate 9 4010 STAVANGER
Kontaktperson	Hans Eirik Aarek
Tlf. til kontaktperson	92086083
Epost	hans.e.aarek@uis.no
Rolle	Venneses Samfunn er eigar av arkivet, som er deponert hos Statsarkivet i Stavanger.

Prosjektbudsjett

Budsjett - utgifter

Hva	Beskrivelse	Sum
Personalkostnader (lønn/overhead)	ordning, registrering, skanning, indeksering,etc	kr 280 280,00
Varer/utstyr	arkivboksar, legg	kr 5 130,00
Tenester kjøpt av andre		kr 0,00
Andre utgifter (spesifiser)		kr 0,00
Totale utgifter		kr 285 410,00

Budsjett - inntekter

Beskrivelse	Tilskudd bekreftet?	Sum
<u>Søknadssum Norsk kulturråd</u>		<u>kr 219 630,00</u>
eigenfinansiering	Ja	kr 65 780,00
Totale inntekter		kr 285 410,00

Kommentar

Kommentar til budsjett

Personalkostnadene gjeld arbeid med ordning, arkivbeskriving, skanning, indeksering, nettutstilling, artiklar og prosjektstyring. Eigeninnsatsen for oss gjeld prosjektstyring og digitaliseringsarbeidet (skanning, indeksering). Eventuelle andre nødvendige kostnader for å få gjennomført prosjektet vil også bli dekket av statsarkivet. Vi vil også søkja Vennenes Samfunn om støtte til prosjektet.

Vedlegg

Ingen vedlegg lastet opp